


**“ТАСДИҚЛАЙМАН”**

**“Дастурий маҳсулотлар ва ахборот  
технологиялари технологик парки  
дирекцияси” МЧЖ  
директори**



 **Ф.З. Ибрагимов**

2022 й. “ 20 ” июль

**“DIGITAL INCLUSION UZBEKISTAN”  
(“ЎЗБЕКИСТОНДА РАҚАМЛИ ИНКЛЮЗИЯ”) ЛОЙИХАСИНИНГ  
ТЕХНИК-ИҚТИСОДИЙ АСОСЛАНУВИНИ ИШЛАБ ЧИҚИШ БЎЙИЧА  
КОНСАЛТИНГ ХИЗМАТЛАРИНИ КЎРСАТИШ ЮЗАСИДАН  
ЭНГ ЯХШИ ТАКЛИФЛАРНИ ТАНЛАШ БЎЙИЧА ТАЛАБЛАР**

*БУЮРТМАЧИ:* “Дастурий маҳсулотлар ва ахборот технологиялари  
технологик парки дирекцияси” МЧЖ

## МУНДАРИЖА

УМУМИЙ МАЪЛУМОТЛАР	.....	3
1. ҲУЖЖАТ ПРЕДМЕТИ	.....	4
2. ТАШКИЛОТЧИ (БУЮРТМАЧИ)	.....	4
3. ИШТИРОКЧИЛАР	.....	4
4. ИШТИРОКЧИЛАРГА ҚЎЙИЛАДИГАН ТАЛАБЛАР	.....	5
5. ЭНГ ЯХШИ ТАКЛИФЛАРНИ ТАНЛАШ ЖАРАЁНИНИ ТАШКИЛ ЭТИШ ТИЛИ	.....	5
6. ТАКЛИФЛАР ВА УЛАРНИ РАСМИЙЛАШТИРИШ ТАРТИБИ	.....	5
7. ҲИСОБ-КИТОБ ҚИЛИШ ТАРТИБИ	.....	6
8. ТАКЛИФЛАРНИ БАҲОЛАШ МЕЗОНЛАРИ	.....	7
9. БОШҚА ШАРТЛАР	.....	8
10. ШАРТНОМАЛАР ТУЗИШ	.....	8
11. ШАРТНОМА ШАРТЛАРИ	.....	8

## УМУМИЙ МАЪЛУМОТЛАР

Мазкур энг яхши таклифларни танлаш бўйича талаблар (кейинги ўринларда – Танлов) “Дастурий маҳсулотлар ва ахборот технологиялари технологик парки дирекцияси” МЧЖ (кейинги ўринларда - IT-Парк) томонидан маблағлардан фойдаланиш самарадорлигини ошириш мақсадида ишлаб чиқилган бўлиб, Ўзбекистон Республикасининг 2021 йил 4 апрелда тасдиқланган “Давлат харидлари тўғрисида”ги ЎРҚ-684-сон қонуни асосида “Digital Inclusion Uzbekistan” (“Ўзбекистонда рақами инклюзия”) лойиҳасининг техник-иқтисодий асосланувини ишлаб чиқиш бўйича консалтинг хизматларини кўрсатишда энг муқобил таклифларни олиш учун танлов ўтказиш ва иштирок этиш тартибини белгилайди.

Ушбу ҳужжатда қуйидаги тушунчалар қўлланилади:

**Буюртмачи** - “Дастурий маҳсулотлар ва ахборот технологиялари технологик парки дирекцияси” МЧЖ;

**Энг яхши таклифларни танлаш** - харид қилиш тартиб-таомилларининг бир нечта иштирокчисидан олинган таклифларни таққослаш асосида давлат харидларини амалга оширишнинг рақобатли усули;

**Эълон** - давлат харидларини амалга ошириш усули, талаблари ва шартлари, таклифларни тақдим этиш муддатлари ҳамда тартиби кўрсатилган, махсус ахборот портали орқали давлат харидларининг электрон тизимида давлат буюртмачиси томонидан жойлаштирилган бўлажак давлат харидлари тўғрисидаги ахборот;

**Таклиф** – мазкур танлов ҳужжатларида белгиланган талаблар асосида тайёрланган ҳамда Танлов Комиссиясига тақдим этилган тижорат таклифи;

**Иштирокчи** - мазкур танлов ҳужжатларида белгиланган талаблар асосида тижорат таклифини тақдим этган жисмоний ёки юридик шахс;

**Иштирокчининг вакили** - танлов иштирокчиси томонидан берилган ишончнома асосида таклиф бериш ҳуқуқига эга бўлган ваколатли шахс. Иштирокчининг вакили фуқаролик паспорти билан қатнашиши шарт;

**ВРО** – Бизнес жараёнлари аутсорсинги;

**КРО** – Билим жараёнининг аутсорсинги;

**Ғолиб** – харид қилиш тартиб-таомиллари яқунларига кўра таклифи энг мақбул деб топилган харид қилиш тартиб-таомиллари иштирокчиси.

### 1. ҲУЖЖАТ ПРЕДМЕТИ

Ўзбекистон Республикаси “Рақамли Ўзбекистон – 2030” стратегиясини амалга оширишда биринчи фазаси жараенида Жаҳон банкидан “Ўзбекистонда рақамли инклюзия” дастурини амалга ошириш учун кредит олмақда. Ўзбекистон Республикаси Ҳукумати ушбу дастурнинг 3 та асосий вазифасини белгилаб берди:

- ВРО ва КРО бозорларида янги иш ўринларини яратиш. Ёшларни иш билан таъминлаш мақсадида ўқув дастурларини ташкиллаштириш ва иш ўринларини яратиш, ишга жойлаштиришда амалий ёрдам кўрсатиш;
- ВРО ва КРО хизматлари экспортини ривожлантириш учун қулай шарт-шароитлар яратиш, шу жумладан техник инфратузилмани модернизация қилиш ва норматив-ҳуқуқий ва институционал тизимларни модернизация қилиш;
- Ўзбекистоннинг рақамли брендини мустаҳкамлаш, ВРО ва КРО хизматларининг халқаро бозорида Ўзбекистоннинг жозибадорлигини ошириш.

Юқоридагиларни ҳисобга олган ҳолда, танловнинг асосий мақсади “Digital Inclusion Uzbekistan” (“Ўзбекистонда рақами инклюзия”) лойиҳасининг техник-иқтисодий асосланувини ишлаб чиқиш бўйича консалтинг хизматларини кўрсатиш учун энг муқобил таклифларни олишдан иборат.

### **1.1. Танлов валютаси.**

Таклиф этилаётган хизматни бажариш учун нархлар Ўзбекистон Республикасининг миллий валютаси (сўм)да акс этирилиши зарур.

### **1.2. Танловнинг максимал нархи**

Таклиф этилаётган хизматни бажариш учун таклиф этилаётган нарх Буюртмачи белгиллаган ҚҚС билан 1 469 000 000 (бир миллиард тўрт юз олтмиш тўққиз миллион) сўмдан ортиқ бўлиши мумкин эмас.

## **2. ТАШКИЛОТЧИ (БУЮРМАЧИ)**

### **2.1. Танловни ташкил этувчи (кейинги ўринларда - Буюртмачи):**

“Дастурий маҳсулотлар ва ахборот технологиялари технологик парки дирекцияси” МЧЖ.  
Буюртмачи манзили: 100164, Тошкент шаҳри, Мирзо Улуғбек тумани, Тепамасжид кўчаси 4-уй.

Электрон почта манзили: [info@it-park.uz](mailto:info@it-park.uz).

Телефон рақами: (+99871) 209-11-99.

Масъул шахс:

Фаррух Эркинов – Масофавий хизмат кўрсатишни ташкил этиш бўйича менежер

Тел: +998 90 334 76 76

Электрон почта: [f.erkinov@it-park.uz](mailto:f.erkinov@it-park.uz)

### **2.2. Танловни ўтказувчи.**

Танлов, Буюртмачи томонидан тузилган, беш нафар аъзодан иборат Харид Комиссияси томонидан ўтказилади.

## **3. ИШТИРОКЧИЛАР**

### **3.1. Танловда иштирок этиш.**

Танловда мулкчилик шаклидан қатъий назар исталган юридик шахслар, шу жумладан, кичик бизнес субъектлари иштирок этиши мумкин.

***А) Танловда иштирок этиш учун, танлов иштирокчиси қуйидагиларни амалга ошириши лозим:***

- танлов шартлари билан танишиш учун махсус ахборот порталида жойлаштирилган танлов ҳужжатларининг электрон нусхасини олиш (кўчириш);

- танлов ҳужжатлар шартларига мувофиқ танлов ҳужжатларини электрон топшириш.

***Б) Қуйидаги иштирокчиларнинг танловда қатнашишига йўл қўйилмайди:***

- Қайта ташкил қилиниш, тугалланиш ёки банкротлик босқичини бошидан кечираётган;

- “Буюртмачи” ёки бошқа ташкилотлар билан судда ёки ҳакамлик судида тортишаётган;

- Инсофсиз ижрочиларнинг ягона рўйхатига киритилган;

- Солиқлар ва бошқа мажбурий тўловларни тўлаш бўйича қарздорлиги бор;

- Имтиёзли солиқ режимини берувчи ва/ёки молиявий амалиётларни ўтказишда маълумотларни ошкор қилиш ва беришни кўзда тутмайдиган давлатлар ёки ҳудудларда (оффшор зоналар) рўйхатдан ўтган ва банк ҳисобрақамларига эга бўлган.

**В) Буюртмачи қуйидаги ҳолларда иштирокчини харид қилиш таомилида иштирок этишдан четлаштиради:**

- у тўғрисида Инсофсиз ижрочиларнинг ягона реестрида қайд мавжуд бўлса;
- унда солиқлар ва йиғимларни тўлаш бўйича муддати ўтган қарздорлик мавжуд бўлса;
- ўзига нисбатан банкротлик тартиб-таомиллари жорий этилган бўлса;
- иштирокчи харид қилиш ҳужжатларининг малака, техник ва тижорат талабларига жавоб бермаса;

- иштирокчи давлат харидлари жараёнида давлат буюртмачиси томонидан бирор-бир хатти-ҳаракатнинг содир этилишига, қарор қабул қилинишига ёки бирор-бир харид қилиш тартиб-таомилининг қўлланилишига таъсир ўтказиш мақсадида давлат буюртмачисининг ёки бошқа давлат органининг исталган ҳозирги ёки собиқ мансабдор шахсига ёки ходимига ҳар қандай шаклдаги ҳақни, ишга ёллаш тўғрисидаги таклифни ёхуд исталган бошқа қимматбаҳо ашёни ёки хизматни бевосита ёхуд билвосита таклиф қилса, берса ёки беришга розилик билдирса;

- иштирокчи рақобатга қарши ҳаракатларни содир этса ёки қонунчиликни бузган ҳолда манфаатлар тўқнашувини келтириб чиқарса, шунингдек, аффилиланганлик ҳоллари аниқланса.

#### **4. ИШТИРОКЧИЛАРГА ҚЎЙИЛАДИГАН ТАЛАБЛАР**

##### **4.1. Қўйидаги талабларга жавоб бермайдиган иштирокчилар танловга қўйилмайди:**

Иштирокчилар қуйидаги мезонларга мувофиқ бўлиши керак:

- шартномани бажариш учун зарур техник, молиявий, моддий, кадрлар ресурсларининг ҳамда бошқа ресурсларнинг мавжудлиги;

- шартнома тузиш учун қонуний ҳуқуққа эгаллик;

- ҳоликлар ва йиғимларни тўлаш бўйича муддати ўтган қарздорликнинг мавжуд эмаслиги;

- ўзига нисбатан жорий этилган банкротлик тартиб-таомилларининг мавжуд эмаслиги;

Инсофсиз ижрочиларнинг ягона реестрида қайд этилмаганлиги.

##### **4.2. Танлов гарови:**

Танлов иштирокчиси танловда иштирок этиш учун хизматни бажариш учун таклиф этилаётган максимал нархининг 3% гаров сифатида тақдим этиши лозим.

Агарда танлов асосида ғолиб 10 иш кун ичида буюртмачи билан шартнома имзолашни бош тортса ва буюртмачининг шартномасидаги талабларини қабул қилмаса, унда гаров сумма буюртмачи ҳисобига ўтиб кетади.

#### **5. ЭНГ ЯХШИ ТАКЛИФЛАРНИ ТАНЛАШ ЖАРАЁНИНИ ТАШКИЛ ЭТИШ ТИЛИ**

##### **5.1. Таклиф ва шартнома тили.**

Танлов таклифи, иштирокчи ва буюртмачи томонидан амалга ошириладиган у билан боғлиқ бўлган барча ёзишмалар, ҳужжатлар ўзбек ёки рус тилларида бўлиши керак.

##### **5.2. Танлов шакли.**

Танлов электрон шаклда [etender.uzex.uz](http://etender.uzex.uz) платформаси орқали ташкил этилади.

#### **6. ТАКЛИФЛАР ВА УЛАРНИ РАСМИЙЛАШТИРИШ ТАРТИБИ**

### **6.1. Таклифларни тайёрлаш.**

Танлаш иштирокчиси тақдим этилаётган ахборот ва ҳужжатларнинг ҳақиқийлиги ва тўғрилиги учун жавобгар бўлади.

Танлаш иштирокчиси фақат битта таклиф беришга ҳақли.

Танлаш учун таклифларни қабул қилиш махсус ахборот портали орқали давлат харидларининг электрон тизимида чоп этилган эълонда кўрсатилган муддат келиши билан тугатилади.

### **6.2. Таклифларни тақдим этиш.**

Порталда эълон қилинган танлов иштирокчилари, ўз таклифларини [etender.uzex.uz](http://etender.uzex.uz) платформаси орқали ўрнатилган тартибда электрон шаклда юбориши шарт.

### **6.3. Танлов иштирокчисининг масъулияти.**

Танлов иштирокчиси:

- тақдим қилинаётган маълумотлар ва ҳужжатларнинг ҳақиқийлиги ва ишончлилиги учун маъсул ҳисобланади.

### **6.4. Таклифларни таъминлаш**

Танлов иштирокчиси танловда иштирок этиш учун хизматни бажариш бўйича таклиф этилаётган максимал нархининг 3% гаров сифатида тақдим этиши лозим.

Агарда танлов асосида ғолиб 10 иш кун ичида буюртмачи билан шартнома имзоланиши бош тортса ва буюрмачининг шартномасидаги талабларини қабул қилмаса, унда гаров сумма буюртмачи ҳисобига ўтиб кетади.

### **Танловнинг нархга оид қисми маълумотлари.**

Танлов таклифи танлов шартларига мос бўлган ва қуйидаги маълумотларни қамраб олувчи нархга оид қисмдан ташкил топади: хизматнинг номланиши, хизмат кўрсатиш қиймати, якуний сумма, тўлов шартлари, таклифнинг амал қилиши муддати ва ҳ.з.

## **7. ҲИСОБ-КИТОБ ҚИЛИШ ТАРТИБИ**

### **7.1. Хизматлар учун тўлов Буюртмачи томонидан қуйидаги тартибда амалга оширилади:**

Шартнома имзоланган кундан бошлаб 10 (ўн) банк куни ичида Шартнома қийматининг 15% миқдорида аванс тўлаб берилади.

Қолган тўловлар қуйидаги тартибда амалга оширилади:

- Шартнома қийматининг 25% Техник топшириқда кўрсатилган жадвалга асосан, ишларни бажаришнинг 1-босқичи якунланганидан сўнг, бажарилган ишларнинг 1-сонли далолатномаси имзолангандан кейин 5 (беш) банк куни ичида тўлаб берилади;
- Шартнома қийматининг 25% Техник топшириқда кўрсатилган жадвалга асосан, ишларни бажаришнинг 2-босқичи якунланганидан сўнг, бажарилган ишларнинг 2-сонли далолатномаси имзолангандан кейин 5 (беш) банк куни ичида тўлаб берилади;
- Шартнома қийматининг 25% Техник топшириқда кўрсатилган жадвалга асосан, ишларни бажаришнинг 3-босқичи якунланганидан сўнг, бажарилган ишларнинг 3-сонли далолатномаси имзолангандан кейин 5 (беш) банк куни ичида тўлаб берилади;
- Шартнома қийматининг 10 % Техник топшириқда кўрсатилган жадвалга асосан, ишларни бажаришнинг 4-босқичи якунланганидан сўнг, бажарилган ишларнинг

4-сонли далолатномаси имзолангандан кейин 5 (беш) банк куни ичида тўлаб берилади.

Тўлов бажарилган ишларнинг далолатномаси тасдиқланганидан сўнг Ижрочининг ҳисобварағига пул маблағларини ўтказиш йўли билан амалга оширилади.

## 8. ТАКЛИФЛАРИНИ БАҲОЛАШ МЕЗОНЛАРИ

**8.1.** Таклиф Қонун, қарор ва танлов ҳужжатлари талабларига жавоб берса, тегишли тарзда расмийлаштирилган, деб ҳисобланади.

Харид комиссияси таклифни берган танлов иштирокчиси Қонун, қарор ва танлов ҳужжатлари талабларига жавоб бермаса ёки танлов иштирокчисининг таклифи танлов ҳужжатлари талабларига мос бўлмаса, таклифни рад этади.

Танлов таклифларини баҳолаш жараёнида харид комиссияси танлов иштирокчиларидан уларнинг танлов таклифлари бўйича тушунтиришлар сўраб олишга ҳақли. Ушбу таомил расмий равишда, ёзма шаклда танлов иштирокчилари орқали ўтказилади. Тушунтириш жараёнида таклифнинг мазмуни, шунингдек, нархи бўйича бирон-бир ўзгартириш киритилишига йўл қўйилмайди.

Танлов ҳужжатлари ва таклифларида кўрсатилган мезонлар асосида шартномани бажариш бўйича энг яхши шартларни таклиф қилган **танлов иштирокчиси ғолиб деб топилади.**

**8.2. Арифметик ёки бошқа хатолар** мавжуд бўлган тақдирда танлов комиссияси, бу ҳақда танлов иштирокчисини хабардор қилгани ҳолда, танлов таклифини рад этишга ёки уларни келгусида кўриб чиқиш бўйича бошқа шартларни белгилашга ҳақли.

**8.3. Таклифларни кўриб чиқиш ва баҳолаш натижалари** таклифларни кўриб чиқиш ва баҳолашни қайд қилиш баённомасида қайд қилинади.

**8.4. Таклифларни кўриб чиқиш ва баҳолашни қайд қилиш баённомаси** танлов комиссиясининг барча аъзолари томонидан имзоланади ва ундан кўчирма у имзоланган кундан бошлаб **икки иш куни ичида** махсус ахборот порталида чоп этилади.

Таклифларни кўриб чиқиш ва баҳолашни қайд қилиш баённомаси эълон қилинганидан сўнг танловнинг ҳар қандай иштирокчиси буюртмачига танлов натижаларини тушунтириш бўйича сўров юборишга ҳақли. Бундай сўров келиб тушган пайдан бошлаб **икки иш куни давомида** танлов иштирокчисига тегишли тушунтиришлар беришга мажбур.

### 8.5. Қўйилган талабларнинг ўлчов мезони:

Қатнашувчига қўйилган қўшимча талаблар:

8.5.1.	Техник топшириқнинг 5.1. бандида кўрсатилган Ижрочига қўйилган умумий талабларга мослиги	20 балл
8.5.2.	Техник топшириқнинг 5.2. бандида кўрсатилган Ижрочига ўхшаш лойиҳаларни амалга ошириш тажрибасига қўйилган талабларга мослиги	40 балл
8.5.3.	Техник топшириқнинг 5.3. бандида кўрсатилган Ижрочининг ходимлари сони ва малакасига қўйиладиган талабларга мослиги:	
8.5.3.1.	Гуруҳ раҳбарига қўйилган талабларга мослиги	4 балл
8.5.3.2.	Гуруҳ раҳбарининг ёрдамчисига қўйилган талабларга мослиги	4 балл
8.5.3.3.	ВРО/КРО соҳасидаги мутахассисга қўйилган талабларга мослиги	4 балл
8.5.3.4.	ИТ инфратузилмасини куриш ва бошқариш бўйича мутахассисга	4 балл
8.5.3.5.	Молия ва иқтисодий ҳисоб-китоблар соҳасидаги мутахассисга	4 балл

8.5.3.6.	Юридик таҳлил соҳасидаги мутахассисга	4 балл
8.5.3.7.	Инновацион дастурларни таҳлил қилиш ва мониторинг қилиш соҳасидаги мутахассисга	4 балл
8.5.3.8.	Қурилиш ва таъмирлашни бошқариш соҳасидаги мутахассисга	4 балл
8.5.3.9.	Маркетинг тадқиқотлари соҳасида мутахассисга	4 балл
8.5.3.10.	ИТ таълим соҳасида мутахассисга	4 балл

Умумий балл қиймати 100 балл (афзалроқ), танловда қатнашиш учун минимал 96 балл тўплаши зарур.

Танловда ғолиб **энг паст нарх берган** ҳисобланади ва электрон тарзида аниқланади.

## 9. БОШҚА ШАРТЛАР

**9.1.** Танловда иштирок этиш истагини билдирган иштирокчилар, ўтказилаётган танлов ҳақида тушунтиришлар олиш учун ишчи органга мурожаат қилишга ҳақли.

**9.2.** Танлов иштирокчиси Буюртмачига танлов ўтказилиши ҳақидаги эълонда келтирилган шаклдаги танлов ҳужжатлари қоидалари бўйича тушунтиришлар бериш ҳақида сўров юборишга ҳақли.

**9.3.** Ушбу сўров Буюртмачига таклифлар берилиши яқунланиши санасидан камида икки кун аввал келиб тушган тақдирда, Буюртмачи кўрсатилган сўров келиб тушган санадан бошлаб икки иш куни давомида белгиланган шаклда танлов ҳужжатлари қоидалари бўйича тушунтиришлар юборишга мажбур.

**9.4.** Танлов ҳужжатлари қоидалари бўйича тушунтиришлар унинг мазмунига зид бўлмаслиги керак.

**9.5.** Қуйидаги ҳолларда харид комиссияси танловни бўлиб ўтмаган деб эълон қилиши мумкин:

- танловда битта иштирокчи иштирок этган ёки ҳеч ким иштирок этмаган тақдирда;
- таклифларни кўриб чиқиш яқунлари бўйича харид комиссияси барча таклифларни танлов ҳужжатлари талабларига мос эмаслиги туфайли рад этган тақдирда.

**9.6.** Ғолиб чиққан таклиф акцептигача Буюртмачи исталган пайтда танловни бекор қилиши мумкин. Танлов бекор қилинган тақдирда Буюртмачи махсус ахборот порталида бундай қарорнинг асосли сабабларини чоп этади.

## 10. ШАРТНОМАЛАР ТУЗИШ

**10.1.** Танлов натижаларга кўра, танловда ғолиб деб саналган ташкилот билан Буюртмачи шартнома танловда қўйилган шартнома нусхасида ёзилган шартлар асосида тузилади.

**10.2.** Харид комиссияси томонидан ғолиб деб топилган танлов иштирокчиси Буюртмачидан тегишли ёзма хабарнома олади ва 3 иш кунида Шартнома имзоланади.

**10.3.** Танлов ғолиби танлов шартлари бўйича шартнома тузишдан бош тортган тақдирда, шартнома тузиш ҳуқуқи заҳирадаги ижрочига ўтади. Бунда заҳирадаги ижрочи танлов ғолиби таклиф қилган нархларда шартнома тузиши ёки шартнома тузишдан бош тортиши мумкин.



## 11. ШАРТНОМА ШАРТЛАРИ

11.1. Шартнома Буюртмачи ва Танлов ғолиби ўртасида икки нусхада тузилади.

11.2. Шарномада кўрсатилган нарх энг охириги нарх бўлиши ҳамда шартноманинг амал қилиш муддати тугагунга қадар ўзгармаслиги керак.

11.3. Шартнома шартлари Буюртмачининг шартнома намунасида кўрсатилиб ўтилган.

11.4. Шартномани амалга ошириш жараёнида юзага келадиган низолар музокаралар йўли билан ҳал этилмаган тақдирда, Томонлар Тошкент туманлараро хўжалик судига мурожаат қилишлари керак.

### **“Digital Inclusion Uzbekistan” (“Ўзбекистонда рақамли инклюзия”) лойиҳасининг Техник-иқтисодий асосланувини ишлаб чиқиш учун консалтинг хизматларини кўрсатиш бўйича мазмун ва моҳияти**

1	Объект номи	Дастурий маҳсулотлар ва ахборот технологиялари технологик парки (IT-Park)
2	Лойиҳани амалга ошириш учун асос	<ul style="list-style-type: none"> <li>• Ўзбекистон Республикаси Президентининг “2022 — 2026 йилларга мўлжалланган Янги Ўзбекистоннинг тараққиёт стратегияси тўғрисида”ги 2022 йил 28 январдаги ПФ-60-сон Фармони;</li> <li>• Ўзбекистон Республикаси Президентининг “Рақамли иқтисодиёт ва электрон ҳукуматни кенг жорий этиш чора-тадбирлари тўғрисида” ги 2020 йил 28 апрелдаги ПҚ-4699-сон қарори;</li> <li>• Ўзбекистон Республикаси Президентининг “Рақамли Ўзбекистон - 2030” стратегиясини тасдиқлаш ва уни самарали амалга ошириш чора-тадбирлари тўғрисида”ги 2020 йил 5 октябрдаги ПФ-6079-сон Фармони.</li> </ul>
3	Буюртмачи	“Дастурий маҳсулотлар ва ахборот технологиялари технологик парки Дирекцияси” МЧЖ
4	Ишнинг тури	Техник топшириқ асосида “Digital Inclusion Uzbekistan” (“Ўзбекистонда рақамли инклюзия”) лойиҳасининг Техник-иқтисодий асосланувини ишлаб чиқиш учун консалтинг хизматларини кўрсатиш
5	Ишни амалга ошириш муддати	Лойиҳа давомийлиги: шартнома имзоланган кундан бошлаб 2022 йил 31 октябргача
6	Ишни амалга ошириш манзили	100164, Тошкент шаҳри, Мирзо Улуғбек тумани, Тепамасжид кўчаси
7	Иш ҳажми тавсифи	<p>Мазкур лойиҳанинг мақсади “Ўзбекистонда рақамли инклюзивлик” кенг қўламли лойиҳасини амалга оширишнинг техник-иқтисодий асосларини ишлаб чиқишдан иборатдир. Техник-иқтисодий асослаш бўйича ишлар тўртта асосий босқичга бўлинган:</p> <p>1-босқич доирасида қуйидаги ишлар амалга оширилиши керак:</p> <ul style="list-style-type: none"> <li>- ВРО ва КРО бозорини ўрганиш, бизнес ва иқтисодий салоҳиятни аниқлаш ва мақсадли географик ва хизмат кўрсатиш сегментини аниқлаш;</li> </ul>

		<p>- амалдаги меъёрий-ҳуқуқий ҳужжатларни таҳлил қилиш ва мамлакатда ВРО ва КРО ривожланишига ҳисса қўшадиган институционал ва меъёрий-ҳуқуқий тизимларни такомиллаштириш бўйича таклифлар ишлаб чиқиш;</p> <p>- дастурни амалга ошириш учун инфратузилма салоҳиятини таҳлил қилиш;</p> <p>- дастурнинг ижтимоий-экологик таҳлили ва таҳлил натижалари билан ҳисобот ҳужжатларини тайёрлаш.</p> <p>2-босқич доирасида қуйидаги ишлар амалга оширилиши керак:</p> <p>- дастурнинг барча асосий компонентлари учун концепциялар ишлаб чиқиш. Иқтисодий ҳисоб-китоблар, молиявий таҳлил, лойиҳанинг рентабеллиги, иқтисодий таваккалчиликни баҳолаш.</p> <p>3-босқич доирасида қуйидаги ишлар амалга оширилиши керак:</p> <p>- якуний ҳужжатни тайёрлаш, техник-иқтисодий асослашни тақдим этиш.</p> <p>4-босқич доирасида қуйидаги ишлар амалга оширилиши керак:</p> <p>- лойиҳанинг техник-иқтисодий асослашини вазирлик ва идоралар билан келишиш жараёнида келиб тушган таклиф ва мулоҳазалар асосида қайта ишлаш.</p> <p><i>Хизматга қўйилган талаблар ҳақидаги тўлиқ маълумот Техник топшириқда кўрсатилган.</i></p>
8	Иштирокчиларга қўйиладиган талаблар	<p>Ижрочи қуйидаги умумий талабларга жавоб бериши керак:</p> <ul style="list-style-type: none"> <li>• Ижрочи давлат рўйхатидан камида 10 йил олдин ўтган бўлган бўлиши керак;</li> <li>• Ижрочи қайта ташкил этиш, тугатилиш ёки банкротлик ҳолатида бўлмаслиги керак;</li> <li>• Ижрочи бошқа ташкилотлар билан суд ёки арбитражда бўлмаслиги керак;</li> <li>• Ижрочи Бунортмачи билан суд ёки арбитражда бўлмаслиги керак;</li> <li>• Ижрочи “Виждонсиз ижрочиларнинг ягона реестри”га киритилман бўлиши керак;</li> <li>• Ижрочининг солиқлар ва бошқа мажбурий тўловлар бўйича қарзи бўлмаслиги керак;</li> <li>• Ижрочи лойиҳани амалга ошириш учун зарур техник, молиявий, моддий ва инсон ресурсларига эга бўлиши керак.</li> </ul> <p>Ижрочининг шу каби лойиҳаларни амалга ошириш тажрибасига қўйиладиган талаблар</p> <ul style="list-style-type: none"> <li>• ТИА/ТИҲни ишлаб чиқиш бўйича камида 5 та лойиҳани амалга ошириш тажрибасига эга бўлиши керак;</li> <li>• Ижрочи маҳаллий даражада лойиҳа олди ва лойиҳа ҳужжатларини ишлаб чиқиш тажрибасига эга бўлиши керак;</li> </ul>

		<ul style="list-style-type: none"> <li>• Ижрочи ХМИ томонидан молиялаштириладиган лойиҳалар бўйича лойиҳа олди ва лойиҳа ҳужжатларини ишлаб чиқиш тажрибасига эга бўлиши керак;</li> <li>• Ижрочи инвестиция лойиҳалари учун ТИА/ТИҲни ишлаб чиқиш тажрибасига эга бўлиши керак;</li> <li>• Ижрочи АКТ соҳасидаги лойиҳаларнинг ТИА/ТИҲни ишлаб чиқиш тажрибасига эга бўлиши керак</li> <li>• Ижрочи ВРО/КРО соҳасида лойиҳа ҳужжатларни ишлаб чиқиш ёки лойиҳада иштирок этиш тажрибасига эга бўлиши керак.</li> </ul>
9	Молиялаштириш манбаи	“Дастурий маҳсулотлар ва ахборот технологиялари технологик парки Дирекцияси” МЧЖ маблағлари
10	Хизматни бажариш учун таклиф этилаётган максимал нарх	Буюртмачи белгиланган ҚҚС билан 1 469 000 000 (бир миллиард тўрт юз олтмиш тўққиз миллион) сўмдан ортиқ бўлиши мумкин эмас.
11	Изоҳ	Харид комиссияси томонидан ғолиб деб топилган танлов иштирокчиси билан 3 иш кунида Шартнома имзоланади

**Ишлаб чиқди:**

Масофавий хизмат кўрсатишни ташкил этиш бўйича менежер

Ф.Эркинов

**Келишилди:**

Директор ўринбосари

А.Кучкаров